

**Вольбы
президента Словацкой республики**

Информация про волича

I

Датум і час реалізації волеб

Вольбы президента Словацкой республики будут
в субботу 16. 03. 2019 од 7:00 до 22:00 години.

Кедь у першій колі волеб ани еден з кандидатів на президента Словацкой республики не
дістане надполовинну векшыну платных голосів волічів, буде друге коло волеб
в субботу 30. 03. 2019 од 7:00 до 22:00 години.

II

Право волити

Право волити президента Словацкой республики мать обчан Словацкой республики, котрый
має право волити до Народной рады Словацкой республики, т. е. обчан Словацкой республики,
котрый найпізніше в день волеб досяг вік 18 років.

Право волити є в конфлікті зо законным окліщінём osobной слободы на основі охраны
публічного здравя.

III

Право быти воленым

За президента Словацкой республики може быти zvolenый обчан Словацкой республики,
котрый має право быти воленым за посланця Народной рады Словацкой республики
і найпізніше в день волеб досяг вік 40 років.

Право быти воленым є в конфлікті з:

- заарештованём,
- правоплатным одсуджінём за напланованый кримінальный чін, поky одсуджіня не было
заглажене,
- однятём способности робити правны діла.

IV

Легітімація на голосованя

Волич, котрый стабільно бывать на території Словацкой республики і в день волеб не буде
мочі волити в місті свого стабільного бываня у волебнім раєні, де є записаный в списку волічів,
може пожадати **од села свого стабільного бываня** легітімацію на голосованя. Село на
пожаданя волічови выставить легітімацію на голосованя і вычаркне го зо списку волічів з
позначков, же му выдало легітімацію на голосованя.

Легітімація на голосованя дає право на записаня до списку волічів у будькотрім волебнім
раєні.

**Село выдасть волічови легітімацію на голосованя лем на тот день реалізації волеб
президента Словацкой республики, котрый воліч увів у свойй жадости. Волич може
пожадати од села своего стабільного бываня легітімацію на голосованя на перше і друге
коло волеб президента Словацкой республики нараз. Тота пожадавка мусить быти ясна
із жадости воліча.**

Воліч може пожадати легітимацію на голосованя:

особно,

найпізніше в послідній робітний день перед днём волеб (т. є. Напізніше 15. 3. 2019; *про друге коло волеб найпізніше 29. 3. 2019*) в урядных годинах села.

Село выдасть легітимацію на голосованя безодкладно,

у формі листины так,

жебы жадость о выданя легітимації на голосованя была доручена селу найпізніше 15 робітных днів перед днём волеб (т. є. Найпізніше 25. 2. 2019; *про друге коло волеб найпізніше 11. 3. 2019*),

електронічнов формов так,

жебы жадость о выданя легітимації на голосованя была доручена селу найпізніше 15 робітных днів перед днём волеб (т. є. Найпізніше 25. 2. 2019; *про друге коло волеб найпізніше 11. 3. 2019*). Село про такы припады опублікуе на своїм вебсайті електронічну (і-мейлову) адресу на посыланя жадостей. Кедь село не має свій вебсайт, опублікуе електронічну адресу на посыланя жадостей на урядній таблі села.

В жадости мусять быти уведжены такы інформації о волічови:

- мено і призви́ско,
- родне чісло,
- штатне обчанство,
- адреса стабілно́го бываня (село, улїця, чісло дому),
- поштова адреса, на котру село зажене легітимацію на голосованя.

посередництвом особы, уповномоченой жадателём

мож пожадати легітимацію на голосованя найпізніше в послідній день перед днём реалізації волеб (т. є. Найпізніше 15. 3. 2019 ; *про друге коло волеб найпізніше 29. 3. 2019*)

В жадости мусять быти уведжены такы інформації о волічови:

- мено і призви́ско,
- родне чісло,
- штатне обчанство,
- адреса стабілно́го бываня (село, улїця, чісло дому).

Село зажене легітимацію на голосованя волічови на адресу стабілно́го бываня, кедь в жадости не уведе іншу поштову адресу, найпізніше до трёх робітных днів од доручіня жадости. Село зажене легітимацію на голосованя на адресу уведжену в жадости рекомандо-писмом „*До властных рук*“.

Кедь воліч в писомній або електронічній жадости уведе, же легітимацію на голосованя перебере інша особа, мусить в жадости увести ей мено, призви́ско і чісло обчанської легітимації. Підпис воліча на жадости не мусить быти урядно овірений. Тота особа повинна перевзятя легітимації на голосованя потвердити своїм підписом.

Воліч, котрому была выдана легітимація на голосованя, може волити ай у волебній містности подля міста свого стабілно́го бываня, але лем з легітимаціёв на голосованя.

**Легітимація на голосованя є платна лем на тот день реалізації волеб,
котрого датум є на ній уведжений, і лем із обчаньсков легітимаціёв.**

V

Способ голосованя

Воліч повинний по приходї до волебной містности превказати реённій волебній комісії свою тотожність обчаньсков легітимаціёв. Кедь была волічови на ёго жадость выдана легітимація на голосованя, предложить ведно з обчаньсков легітимаціёв легітимацію на

голосованя, котру му раённа волебна комісія одобере. Потім раённа волебна комісія закрузкуе порядкове чісло воліча в списку волічів і выдасть волічови лист на голосованя і порожню копертку з уряднов печатков села.

Обчан Словацькой републікі, котрый найпізніше в день волеб досяг вік 18 років, не має місто стабільного бываня на території Словацькой републікі і вступив у день реалізації волеб до волебной містности, превкаже свою тотожность словацькым паспортом а сучасно раённій волебній комісії укаже честне выголошїня о місті стабільного бываня в заграничу, котрого взор опублікуе Міністерство внутра Словацькой републікі на своїм вебсайті. Раённа волебна комісія такого воліча допише до списку волічів, што зазначить до ёго словацького паспорту, а честне выголошїня о місті стабільного бываня в заграничу припоить к списку волічів. Потім раённа волебна комісія выдасть волічови лист на голосованя і порожню копертку з уряднов печатков села.

Перевзятя листу на голосованя і коперткы потвердить воліч у списку волічів властноручным підписом.

Каждый воліч повинный перед голосованём одобрати ся до выдїленой части містности, в котрій може управити лист на голосованя. Волічови, котрый не вступить до того простору, раённа волебна комісія не доволить голосовати.

У выдїленій части містности, в котрій мож управити лист на голосованя, воліч на листі голосованя закрузкуе порядкове чісло кандидата, котрому вирішив дати свій голос. Воліч може закрузковати порядкове чісло лем єдного кандидата. Кедь воліч закрузкуе веце порядковых чісел кандидатів, такой лист на голосованя є неплатный. Управлений лист на голосованя вложить воліч до коперткы і наслідно до волебной урны.

На пожаданя воліча раённа волебна комісія выдасть волічови за некоректно управлений лист на голосованя другый. Некоректно управлений лист на голосованя вложить до ладічки на одложїня несхоснованых або некоректно управленых листів на голосованя.

Воліч, котрый сам не може управити лист на голосованя із здравотных прічін або зато, же не може читати або писати і **перед голосованём поінформує о тім факті раённу волебну комісію**, має право взяти із собов до выдїленой части містности, в котрій мож управити лист на голосованя, іншу способну особу, жебы подля ёго інструкцій і закона управила лист на голосованя і вложила го до коперткы; таков особов не може быти член раённой волебной комісії. Обидві особи перед вступом до до выдїленой части містности, в котрій мож управити лист на голосованя, член раённой волебной комісії поучить о способі голосованя і о криміналінім skutку в припадї нарушования приправы волеб і волебного процесу.

За воліча, котрый не може із здравотных прічін сам вложити копертку до волебной урны, може ю до нїй на ёго пожаданя вложити інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічін, має право пожадати село а в день реалізації волеб раённу волебну комісію одголосовати до переносной волебной урны, а то лем на території волебного раёну, про котрый была раённа волебна комісія створена.

Воліч повинный одложити некоректно управлений лист на голосованя до запечатованой ладічки на несхоснованы або некоректно управлены листы на голосованя, бо інакше ся допустить перестулїня, за котре буде покутованый сумов 33 евро.

Далшы інформації о вольбах президента Словацькой републікі ся находят на вебсайті
www.minv.sk/?volby-prezidentsr